

নববর্ষ উদযাপন করার বিধান

[Bengali – বাংলা – بنغالي]

সানাউল্লাহ নজির আহমদ

১৩৫৫

সম্পাদনা

প্রফেসর ড. আবু বকর মুহাম্মাদ যাকারিয়া



مبادرة رعاية المجتمع، تونسي، غازيبور
Community Welfare Initiative, Tongi, Gazipur-1700
Mobile : +88 01575 547999, Email : info@cwibd.com

حكم الاحتفال برأس السنة

(باللغة البنغالية)

ثناء الله نذير أحمد

مراجعة

الأستاذ د/ أبو بكر محمد زكريا

مبادرة رعاية المجتمع، تونسي، غازيبور

Community Welfare Initiative, Tongi, Gazipur-1700

Mobile : +88 01575 547999, Email : info@cwibd.com



সংক্ষিপ্ত বর্ণনা.....

বইটি মূলত একটি গভীর ও দলিলসমৃদ্ধ আলোচনা, যেখানে নববর্ষ উদযাপন—হোক তা বাংলা, ইংরেজি কিংবা হিজরি নববর্ষ—এর শরয়ী অবস্থান ব্যাখ্যা করা হয়েছে। লেখক ইসলামী আকীদা ও শরিয়তের আলোকেই আলোচনা করেছেন মুসলমানদের জন্য বিজাতীয় সংস্কৃতি, কৃষ্টিকলচার ও উৎসব উদযাপনের সীমা ও নিষেধ। তিনি কুরআন, সহীহ হাদীস এবং সালাফে সালাহীনের বক্তব্যের আলোকে প্রমাণ করেছেন যে, কাফের-মুশরিকদের অনুকরণ এবং তাদের ধর্মীয় ও সাংস্কৃতিক উৎসব পালন ইসলামে হারাম। বিশেষত ‘থার্টিফার্স্ট নাইট’, ‘পহেলা বৈশাখ’ ও হিজরি নববর্ষকে কেন্দ্র করে যেসব উদযাপন মুসলিম সমাজে জায়গা করে নিয়েছে, তার বিরুদ্ধে কঠোরভাবে সতর্ক করেছেন। সাথে সাথে লেখক মুসলিম সমাজকে ইসলামী আদর্শে দৃঢ় থাকার এবং ইসলাম স্বীকৃত ঈদুল ফিতর, ঈদুল আযহা ও জুমু‘আর দিনের মতো উৎসবের সাথে সন্তুষ্ট থাকার আহ্বান জানিয়েছেন।

ভূমিকা

সকল প্রশংসা আল্লাহ তা‘আলার জন্য, যিনি আমাদেরকে সর্বোত্তম দীনের অনুসারী ও সর্বশ্রেষ্ঠ রাসূলের উম্মত হওয়ার তাওফিক দান করেছেন। সালাত ও সালাম বর্ষিত হোক মুহাম্মদ ইবন আব্দুল্লাহর ওপর, যিনি আমাদেরকে কল্যাণকর সকল পথ বাতলে দিয়েছেন এবং সকল প্রকার অনিষ্ট থেকে সতর্ক করেছেন। আরো সালাত ও সালাম বর্ষিত হোক তার পরিবারবর্গ ও সাথীদের ওপর, যারা তার আনীত দীন ও আদর্শকে যথাযথভাবে পরবর্তী উম্মতের নিকট পৌঁছে দিয়েছেন এবং কিয়ামত পর্যন্ত যারা তাদের সুন্দরভাবে অনুসরণ করবে সবার ওপর। অতঃপর...

আবু হুরায়রা রাদিয়াল্লাহু ‘আনহু থেকে বর্ণিত, নবী সাল্লাল্লাহু ‘আলাইহি ওয়াসাল্লাম বলেছেন:

«بَادِرُوا بِالْأَعْمَالِ فِتْنًا كَقِطْعِ اللَّيْلِ الْمُظْلِمِ، يُصْبِحُ الرَّجُلُ مُؤْمِنًا، وَيُمْسِي كَافِرًا، أَوْ يُمْسِي مُؤْمِنًا، وَيُصْبِحُ كَافِرًا، يَبِيعُ دِينَهُ بِعَرَضٍ مِنَ الدُّنْيَا»

“তোমরা অন্ধকার রাতের ঘনঘটার ন্যায় ফেতনার পূর্বে দ্রুত আমল কর, [যখন] ব্যক্তি ভোর করবে মুমিন অবস্থায়, সন্ধ্যা করবে কাফির অবস্থায়; অথবা সন্ধ্যা করবে মুমিন অবস্থায়, ভোর করবে কাফির অবস্থায়। মানুষ তার দীনকে বিক্রি করে দিবে দুনিয়ার সামান্য বিনিময়ে।”^১ আমরা বর্তমান ফেতনার সে অন্ধকারে বাস করছি, আমাদের চারপাশে ঘোর অন্ধকার: মূর্থতার অন্ধকার, কুসংস্কারের অন্ধকার, বিদ‘আতের অন্ধকার, শিরকের

^১ সহীহ মুসলিম, হাদীস নং ১৭৩।

অন্ধকার, সঠিক পথ খুঁজে পাওয়া দুষ্কর। বিশেষ করে ইয়াহুদী-খ্রিস্টান ও কাফেরদের সংস্কৃতি আমাদের হ্রাস করে রেখেছে। আমরা তাতে গভীরভাবে মগ্ন হয়ে পড়েছি। নিজেদের দীন ও আদর্শের পরিবর্তে তাদের কালচার ও আবিস্কৃত উপলক্ষে মেতে আছি। উম্মতের ওপর রাসূলুল্লাহ সাল্লাল্লাহু ‘আলাইহি ওয়াসাল্লাম যার আশঙ্কা করেছেন এবং যার থেকে তিনি উম্মতকে বারবার সতর্ক করেছেন। আবু সাঈদ খুদরী রাঈয়াল্লাহু ‘আনহু থেকে বর্ণিত, তিনি বলেন, রাসূলুল্লাহ সাল্লাল্লাহু ‘আলাইহি ওয়াসাল্লাম বলেছেন:

«لَتَتَّبِعَنَّ سَنَنَ الَّذِينَ مِنْ قَبْلِكُمْ شِرًّا بَشِيرًا وَذَرَأًا بِذِرَاعٍ، حَتَّىٰ لَوْ دَخَلُوا فِي جُحْرِ ضَبٍّ لَا تَتَّبِعْتُمُوهُمْ، قُلْنَا: يَا رَسُولَ اللَّهِ، الْيَهُودُ، وَالنَّصَارَى، قَالَ: فَمَنْ».

“তোমরা অবশ্যই তোমাদের পূর্ববর্তী উম্মতের রাস্তা অনুসরণ করবে বিঘতে বিঘতে ও হাতে হাতে; তারা যদি গুঁইসাপের গর্তে ঢুকে তোমরা অবশ্যই তাদের অনুসরণ করবে; আমরা বললাম: হে আল্লাহর রাসূল, ইয়াহুদী ও খ্রিস্টান? তিনি বললেন: তবে কে?”²

ইমাম নাওয়াওয়ী রাহিমাল্লাহু বলেন, “বিঘতে বিঘতে, হাতে হাতে ও গুঁইসাপের গর্তের উদাহরণ পেশ করার অর্থ কঠিনভাবে তাদের অনুসরণ করা। এ অনুসরণ অর্থ কুফরী নয়, বরং পাপাচার ও ইসলামের বিরোধিতায় তাদের অনুকরণ করা উদ্দেশ্য। এটা নবী সাল্লাল্লাহু ‘আলাইহি ওয়াসাল্লামের স্পষ্ট মুজিয়া, তিনি যার সংবাদ দিয়েছেন আমরা তা চাক্ষুষ দেখছি।”³

ইবন কাসীর রাহিমাল্লাহু বলেন, “আমাদের পূর্ববর্তী কিতাবীদের সাথে সামাজ্যসম্পূর্ণ শরীয়তে নিষিদ্ধ কর্ম সম্পর্কে সংঘটিত হওয়ার পূর্বে সংবাদ

² সহীহ বুখারী, হাদীস নং ৩২২১; সহীহ মুসলিম, হাদীস নং ৪৮২৮।

³ ইমাম নাওয়াওয়ী কর্তৃক সহীহ মুসলিমের ব্যাখ্যা গ্রন্থ (১৬/১৮৯)।

দেওয়ার অর্থ আমাদেরকে তাদের কথা ও কর্মের সাদৃশ্য গ্রহণ করা থেকে নিষেধ করা। কোনো মুমিনের উদ্দেশ্য এতে ভালো হলেও বাহ্যিকভাবে তাদের মিল প্রকৃত অর্থে তাদের কর্ম হিসেবে গণ্য হবে।”⁴

মুনাবি রাহিমাহুল্লাহ বলেন, “এ সংবাদ নবী সাল্লাল্লাহু ‘আলাইহি ওয়াসাল্লামের এক মুজিয়া। আজ তার উম্মতের বড় এক গোষ্ঠী কৃষ্টি-কালচার, যানবাহন, পোশাক-পরিচ্ছদ ও যুদ্ধ ইত্যাদির নীতিতে পারস্যের অনুসরণ করছে। আবার ইয়াহুদী-খ্রিস্টানদের আনুগত্য করছে মসজিদ সজ্জিত করা, কবরকে অধিক সম্মান করা, যার ফলে মূর্খরা তার ইবাদতে মগ্ন হয়েছে, ঘৃষ গ্রহণ করা, দুর্বলদের শাস্তি দেওয়া ও সবলদের ক্ষমা করা, জুমু‘আর দিন কর্ম ত্যাগ করে ছুটি কাটানো ইত্যাদি বিষয়ে।”⁵

এ যুগে তাদের অন্ধানুকরণ সীমা ছাড়িয়ে গেছে। বিশেষ করে পার্থিব শৌর্য-বীর্য ও বৈজ্ঞানিক উন্নতির ফলে তারা রীতিমত অনেক মুসলিমের জন্য ফেতনায় পরিণত হয়েছে। প্রযুক্তি ও যোগাযোগ ব্যবস্থার উন্নতির ফলে ঘরে ঘরে নিমিষে পৌঁছে যাচ্ছে তাদের আচার-অনুষ্ঠান। তারা যাই করে মুসলিমের একাংশ তাদের পদাঙ্ক অনুসরণ করে। তাদের উৎসব, সংস্কৃতি ও ধর্মীয় অনুষ্ঠানগুলো উপভোগ করে, তাতে যোগ দেয় ও আনন্দ করে। কি নববর্ষ, কি মৃত্যু বার্ষিকী, কি জন্ম বার্ষিকী, কি বিবাহ বার্ষিকী, কি বাবা দিবস, কি মা দিবস, কোনো কিছুতেই কুণ্ঠাবোধ নেই। তারা করছে তাই আমরা করছি। ভালো-মন্দ, বৈধ-অবৈধ ও কুফর-শিরক ভেবে দেখার ফুরসত নেই। তারা দীন থেকে দূরে সরে গেছে, ভুলে গেছে ইসলামী আদর্শ ও নবী সাল্লাল্লাহু

⁴ আল-বিদায়া ওয়ান নিহায়াহ (২/১৪২)।

⁵ ফায়দুল কাদীর (৫/২৬২)।

‘আলাইহি ওয়াসাল্লামের বাণী:

«مَنْ تَشَبَّهَ بِقَوْمٍ فَهُوَ مِنْهُمْ»

“যে ব্যক্তি কোনো সম্প্রদায়ের সাথে সামঞ্জস্য রাখল সে তাদের অন্তর্ভুক্ত।”^৬
এতো কঠোর হুশিয়ারি সত্ত্বেও মুসলিম তাদের অনুসরণে ঘটা করে প্রতিবছর
“থার্মিফাস্ট” উদযাপন করে। অথচ নবী সাল্লাল্লাহু ‘আলাইহি ওয়াসাল্লাম
তাদের বিরোধিতা করার নির্দেশ দিয়েছেন। আবু হুরায়রা রাদিয়াল্লাহু ‘আনহু
বলেন, রাসূলুল্লাহ সাল্লাল্লাহু ‘আলাইহি ওয়াসাল্লাম বলেছেন:

«غَيِّرُوا الشَّيْبَ، وَلَا تَتَّبِعُوا بِالْيَهُودِ»

“তোমরা বার্ষিক্যকে পরিবর্তন কর, কিন্তু ইয়াহুদীদের সাথে মিল রেখ না।”^৭
ইবন উমার রাদিয়াল্লাহু ‘আনহুমা থেকে বর্ণিত, রাসূলুল্লাহ সাল্লাল্লাহু ‘আলাইহি
ওয়াসাল্লাম বলেছেন:

«خَالِفُوا الْمُشْرِكِينَ، أَحْفُوا الشَّوَارِبَ، وَأَوْفُوا اللَّهَ»

“তোমরা মুশরিকদের বিরোধিতা কর, মুছ ছোট কর ও দাঁড়ি লম্বা কর।”^৮
ইবন তাইমিয়াহ রাহিমাহুল্লাহ বলেন, “আল্লাহর কিতাব, নবী সাল্লাল্লাহু
‘আলাইহি ওয়াসাল্লামের সুন্নত, খোলাফায়ে রাশেদিনের আদর্শ ও সকল
আলেম একমত যে, মুশরিকদের বিরোধিতা করতে হবে এবং তাদের সাদৃশ্য
গ্রহণ করা যাবে না।”^৯ কারণ নবী সাল্লাল্লাহু ‘আলাইহি ওয়াসাল্লাম বলেছেন:

^৬ সুনানে আবু দাউদ, হাদীস নং ৩৫১৪।

^৭ জামে তিরমিযী, হাদীস নং ১৬৭১; মুসনাদে আহমাদ, হাদীস নং ১৩৬১। ইমাম তিরমিযী
রাহিমাহুল্লাহ বলেন, হাদীসটি হাসান সহীহ।

^৮ সহীহ মুসলিম, হাদীস নং ৩৮৭।

^৯ মাজমুউল ফাতাওয়া (২৫/৩২৭)।

“যেকোনো কওমের সাথে সামঞ্জস্য রাখল, সে তাদের অন্তর্ভুক্ত।”¹⁰

এ প্রসঙ্গে ইবন তাইমিয়াহ রাহিমাহুল্লাহ বলেন, “এ হাদীসের সর্বনিম্ন দাবি তাদের সাদৃশ্য গ্রহণ করা হারাম, যদিও হাদীসের বাহ্যিক অর্থের দাবি কুফরী।”¹¹

ইবনুল কাইয়্যিম রাহিমাহুল্লাহ বলেন, “এর রহস্য বাহ্যিক সাদৃশ্য মানুষকে নিয়ত ও আমলের সাদৃশ্যের দিকে ধাবিত করে।”¹²

তিনি আরো বলেন, “কিতাবি ও অন্য কাফেরদের সাদৃশ্য গ্রহণ করা থেকে একাধিক জায়গায় নিষেধাজ্ঞা এসেছে, কারণ বাহ্যিক সামঞ্জস্য আভ্যন্তরীণ সামঞ্জস্যের দিকে ধাবিত করে, যখন আদর্শের সাথে আদর্শ মিলে যায়, তখন অন্তরের সাথে অন্তর মিলে যায়।”¹³

আল্লামা সানআনী রাহিমাহুল্লাহ বলেন, “এ হাদীস প্রমাণ করে যে ব্যক্তি ফাসেক অথবা কাফের অথবা বিদ‘আতীর সাথে পোশাক অথবা যানবাহন অথবা কোনো বিষয়ে মিল রাখল, যা তাদের নিদর্শন, সে তাদের অন্তর্ভুক্ত। ফকিহগণ বলেছেন: কেউ যদি কাফেরদের সাথে মিল রেখে তাদের মত

¹⁰ আবু দাউদ, হাদীস নং ৩৫১৪; মুসনাদে আহমাদ, হাদীস নং ৫১০৬। ইবন হিব্বান হাদীসটিকে সহীহ বলেছেন। ইবন তাইমিয়াহ রাহিমাহুল্লাহ বলেন, “এ সনদ জাইয়েদ।” অর্থাৎ সনদের রাবীগণ গ্রহণযোগ্য। ইকতিদাউস সিরাতুল মুস্তাকিম (১/২৪০), হাফেয ইবন হাজার রাহিমাহুল্লাহ বলেন, এ হাদীসটি আবু দাউদ সহীহ সনদে বর্ণনা করেছেন। ফাতহুল বারী (১১/৪৪৩)।

¹¹ আলফুরু (১/৩৪৮)।

¹² ইলামুল মুয়াক্কিন (২/১০৭)

¹³ ইগাসাতুল লাহফান।

হওয়ার বিশ্বাস পোষণ করে, তাহলে সে কাফের। আর এ বিশ্বাস পোষণ না করলে তারা ইখতিলাফ করেছেন। কেউ বলেছেন: কাফের, হাদীসের বাহ্যিক দাবি তাই। কেউ বলেছেন: কাফের বলা হবে না, বরং তাকে শাস্তি দেওয়া হবে।”¹⁴

নববর্ষ উদযাপন করা হারাম

বাংলা নববর্ষ ‘পহেলা বৈশাখ’, ইংরেজি নববর্ষ ‘থার্টিফাস্ট’ কিংবা হিজরি নববর্ষ পালন করা হারাম। ইবন কাসির রাহিমাহুল্লাহ বলেন, “কোনো মুসলিমের সুযোগ নেই কাফেরদের সামঞ্জস্য গ্রহণ করা, না তাদের ধর্মীয় উৎসবে, না মৌসুমি উৎসবে, না তাদের কোনো ইবাদতে। কারণ আল্লাহ তা‘আলা এ উম্মতকে সর্বশেষ নবী দ্বারা সম্মানিত করেছেন, যাকে পরিপূর্ণ ও সর্বব্যাপী দীন দেওয়া হয়েছে। যদি মূসা ইবন ইমরান জীবিত থাকত, যার ওপর তাওরাত নাযিল হয়েছে; কিংবা ঈসা ইবন মারইয়াম জীবিত থাকত, যার ওপর ইঞ্জিল নাযিল হয়েছে; তারাও ইসলামের অনুসারী হত। তারাও সকল নবী থাকলেও কারো পক্ষে পরিপূর্ণ ও সম্মানিত শরীয়তের বাইরে যাওয়ার সুযোগ থাকত না। অতএব মহান নবীর আদর্শ ত্যাগ করে আমাদের পক্ষে কীভাবে সম্ভব এমন জাতির অনুসরণ করা, যারা নিজেরা পথভ্রষ্ট, মানুষকে পথ ভ্রষ্টকারী ও সঠিক দীন থেকে বিচ্যুত। তারা বিকৃতি, পরিবর্তন ও অপব্যখ্যা করে আসমানী ওহীর কোনো বৈশিষ্ট্য তাদের দীনে অবশিষ্ট রাখেনি। দ্বিতীয়ত তাদের ধর্ম রহিত, রহিত ধর্মের অনুসরণ করা হারাম, তার ওপর যত আমল করা হোক আল্লাহ গ্রহণ করবেন না। তাদের ধর্ম ও মানব রচিত ধর্মের মধ্যে কোনো পার্থক্য নেই। আল্লাহ যাকে চান সঠিক

¹⁴ সুবুলুস সালাম (২০১৮)।

পথের সন্ধান দান করেন।”¹⁵

প্রিয় পাঠক! নববর্ষ উদযাপন করে আমরা তাদের অনুসরণ করতে পারি না। তারা অভিশপ্ত ও গোমরাহ। এসব তাদের বানানো উৎসব, কুসংস্কার ও পাপ কম। ইয়াহুদীদের সম্পর্কে আল্লাহ বলেন,

﴿مَنْ الَّذِينَ هَادُوا يُحَرِّفُونَ الْكَلِمَ عَنْ مَوَاضِعِهِ وَيَقُولُونَ سَمِعْنَا وَعَصَيْنَا وَأَسْمَعُ غَيْرَ مُسْمِعٍ وَرَاعَيْنَا لَيًّا بِالْحَقِّ وَلَوْ أَنَّهُمْ قَالُوا سَمِعْنَا وَأَطَعْنَا وَأَسْمَعُ وَأَنْظُرْنَا لَكَانَ خَيْرًا لَّهُمْ وَأَقْوَمَ وَلَٰكِن لَّعَنَهُمُ اللَّهُ بِكُفْرِهِمْ فَلَا يُؤْمِنُونَ إِلَّا قَلِيلًا﴾ [النساء: ٤٦]

[৪৬]

“ইয়াহুদীদের মধ্যে কিছু লোক আছে যারা কালামসমূহকে তার স্থান থেকে পরিবর্তন করে ফেলে এবং বলে, ‘আমরা শুনলাম ও অমান্য করলাম’। আর তুমি শোন না শোনার মত, তারা নিজেদের জিহ্বা বাঁকা করে এবং দীনের প্রতি খোঁচা মেরে বলে, ‘রাইনা’।¹⁶ আর তারা যদি বলত, ‘আমরা শুনলাম ও মান্য করলাম এবং তুমি শোন ও আমাদের প্রতি লক্ষ্য রাখ’ তাহলে এটি হত তাদের জন্য কল্যাণকর ও যথার্থ। কিন্তু তাদের কুফরির কারণে আল্লাহ তাদেরকে লানত করেছেন। তাই তাদের কম সংখ্যক লোকই ঈমান আনে।”¹⁷

খ্রিস্টানদের সম্পর্কে আল্লাহ তা‘আলা বলেন,

﴿وَمَنْ الَّذِينَ قَالُوا إِنَّا نَصْرَىٰ أَخَذْنَا مِيثَاقَهُمْ فَنَسُوا حَظًّا مِمَّا ذُكِّرُوا بِهِ فَأَغْرَيْنَا بَيْنَهُمُ

¹⁵ আল-বিদায়া ওয়ান নিহায়া (২/১৪২)

¹⁶ আরবীতে ‘রাইনা’ শব্দের অর্থ ‘আমাদের তত্ত্বাবধান করুন’। ইয়াহুদীরা শব্দটিকে বিকৃত করে উচ্চারণ করত, যা তাদের ভাষায় (হিব্রুতে) গালি হিসেবে ব্যবহৃত হত।

¹⁷ সূরা আন-নিসা, আয়াত: ৪৬।

الْعَدَاوَةِ وَالْبَغْضَاءِ إِلَى يَوْمِ الْقِيَمَةِ وَسَوْفَ يُنَبِّئُهُمُ اللَّهُ بِمَا كَانُوا يَصْنَعُونَ ﴿١٤﴾ [المائدة: ١٤]

“আর যারা বলে, ‘আমরা নাসারা’, আমি তাদের থেকে অঙ্গীকার গ্রহণ করেছিলাম। অতঃপর তাদেরকে যে উপদেশ দেওয়া হয়েছিল, তারা তার একটি অংশ ভুলে গেছে। ফলে আমি তাদের মধ্যে কেয়ামতের দিন পর্যন্ত শত্রুতা ও ঘৃণা উস্কে দিয়েছি এবং তারা যা করত সে সম্পর্কে অচিরেই আল্লাহ তাদেরকে অবহিত করবেন।”¹⁸

মুসলিম ভাই! আমরা বিভিন্ন উপলক্ষে যেসব অনুষ্ঠান পালন করি তার অধিকাংশ ইয়াহুদী, খ্রিস্টান ও মুশরিকদের তৈরি। সন্তান ভূমিষ্ঠ হলে আমরা আকিকা ত্যাগ করে খাতনার সময় ঘটা করে অনুষ্ঠান করি। খাতনা করা সুন্নত, এতে কোনো অনুষ্ঠান নেই, তাতে আমরা অনুষ্ঠান করি, এদিকে আকিকা দেওয়া নবী সাল্লাল্লাহু ‘আলাইহি ওয়াসাল্লামের নির্দেশ, অথচ আমরা তাই ত্যাগ করছি। আমরা কি এতটাই নির্বোধ বনে গেলাম! আমরা প্রতিদিন কমপক্ষে সতেরো বার সূরা ফাতেহা পাঠ করে সিরাতে মুস্তাকিমের প্রার্থনা করি, বাস্তবে আমরা যা ত্যাগ করছি, অর্থাৎ নবী সাল্লাল্লাহু ‘আলাইহি ওয়াসাল্লামের পথ ও সুন্নত। কমপক্ষে সতেরো বার অভিশপ্ত ও পথভ্রষ্টদের রাস্তা থেকে পানাহ চাই, অথচ বাস্তবে আমরা তাদের অনুসরণ করছি, অর্থাৎ ইয়াহুদী ও খ্রিস্টানদের পথ। এ কেমন বৈপরীত্য! আমাদের অবচেতনতা যেন পাগলামিকেও হার মানায়।

ইয়াহুদী, খ্রিস্টান ও মুশরিকরা মুসলিমের শত্রু

নববর্ষ উদযাপন করে আমরা যাদেরকে বন্ধুরূপে গ্রহণ করছি, তারা প্রকৃতপক্ষে আমাদের শত্রু। তারা কখনো আমাদের বন্ধু হবে না, যাবত

¹⁸ সূরা আন-নিসা, আয়াত: ১৪।

আমরা আমাদের দীন ত্যাগ করে তাদের ধর্মের অনুসরণ না করি। তারা আমাদের দীন ও নবীকে নিয়ে উপহাস করে। আল্লাহ তা‘আলা বলেন,
 ﴿يَا أَيُّهَا الَّذِينَ ءَامَنُوا لَا تَتَّخِذُوا الَّذِينَ اتَّخَذُوا دِينَكُمْ هُزُؤًا وَلَعِبًا مِّنَ الَّذِينَ أُوتُوا الْكِتَابَ
 مِن قَبْلِكُمْ وَالْكَفَّارَ أَوْلِيَاءَ وَاتَّقُوا اللَّهَ إِنَّ كُنتُم مُّؤْمِنِينَ ۝٧﴾ [المائدة: ৫৭]

“হে মুমিনগণ, তোমরা তাদেরকে বন্ধুরূপে গ্রহণ করো না, যারা তোমাদের দীনকে উপহাস ও খেল-তামাশারূপে গ্রহণ করেছে, তাদের মধ্য থেকে তোমাদের পূর্বে যাদেরকে কিতাব দেওয়া হয়েছে ও কাফিরদেরকে। আর আল্লাহর তাকওয়া অবলম্বন কর, যদি তোমরা মুমিন হয়ে থাক।”¹⁹

অন্যত্র ঘোষণা দিচ্ছেন, যে তাদের দিকে ধাবিত হবে সে তাদের অন্তর্ভুক্ত।
 ﴿يَا أَيُّهَا الَّذِينَ ءَامَنُوا لَا تَتَّخِذُوا الْيَهُودَ وَالنَّصَارَىٰ أَوْلِيَاءَ بَعْضُهُمْ أَوْلِيَاءُ بَعْضٍ وَمَن يَتَوَلَّهُمْ
 مِنكُمْ فَإِنَّهُ مِنهُمْ إِنَّ اللَّهَ لَا يَهْدِي الْقَوْمَ الظَّالِمِينَ ۝١﴾ [المائدة: ৫১]

“হে মুমিনগণ, ইয়াহুদী ও নাসারাদেরকে তোমরা বন্ধুরূপে গ্রহণ করো না। তারা একে অপরের বন্ধু। আর তোমাদের মধ্যে যে তাদের সাথে বন্ধুত্ব করবে, সে নিশ্চয় তাদেরই একজন। নিশ্চয় আল্লাহ জালিম কওমকে হিদায়াত দেন না।”²⁰

অতএব তাদের ঈদ ও উৎসবে যোগ দেওয়া, তাদের সমর্থন জানানো কিংবা কোনো ধরনের সহায়তা করা নিজের দীনকে প্রশ্নবিদ্ধ করা।

মুসলিমের ঈদ

প্রিয় পাঠক! আমাদেরকে ইসলামে স্বীকৃত উৎসব তথা ঈদের মধ্যে সীমাবদ্ধ থাকতে হবে। আমাদের ঈদ একটি ইবাদত, যার দ্বারা আমরা আল্লাহর

¹⁹ সূরা আল-মায়দাহ, আয়াত: ১৫৭।

²⁰ সূরা আল-মায়দাহ, আয়াত: ৫১।

নৈকট্য অর্জন করি। এ ঈদের সংখ্যা তিনটি, চতুর্থ কোনো ঈদ নেই। জুমু‘আহ, ঈদুল ফিতর ও ঈদুল আদহা।

আবু হুরায়রা রাদিয়াল্লাহু ‘আনহু থেকে বর্ণিত, তিনি বলেন, আমি নবী সাল্লাল্লাহু ‘আলাইহি ওয়াসাল্লামকে বলতে শুনেছি:

«إِنَّ يَوْمَ الْجُمُعَةِ يَوْمٌ عِيدٌ، فَلَا تَجْعَلُوا يَوْمَ عِيدِكُمْ يَوْمَ صِيَامِكُمْ، إِلَّا أَنْ تَصُومُوا قَبْلَهُ أَوْ بَعْدَهُ»

“নিশ্চয় জুমু‘আর দিন ঈদের দিন, অতএব তোমাদের ঈদের দিনকে তোমরা সিয়ামের দিন বানিয়ে না, তবে তার পূর্বে কিংবা পরে যদি সিয়াম রাখ, তাহলে পার।”²¹

আনাস রাদিয়াল্লাহু ‘আনহু থেকে বর্ণিত, তিনি বলেন:

«قَدِمَ رَسُولُ اللَّهِ صَلَّى اللَّهُ عَلَيْهِ وَسَلَّمَ الْمَدِينَةَ وَلَهُمْ يَوْمَانِ يَلْعَبُونَ فِيهِمَا، فَقَالَ: "مَا هَذَانِ الْيَوْمَانِ؟" قَالُوا: "كُنَّا نَلْعَبُ فِيهِمَا فِي الْجَاهِلِيَّةِ، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: "إِنَّ اللَّهَ قَدْ أَبْدَلَكُمْ بِهِمَا خَيْرًا مِنْهُمَا: يَوْمَ الْأَضْحَى، وَيَوْمَ الْفِطْرِ»

“রাসূলুল্লাহ সাল্লাল্লাহু ‘আলাইহি ওয়াসাল্লাম মদিনায় আগমন করলেন, তখন তাদের দু’টি দিন ছিল, যেখানে তারা খেলা-ধুলা করত। তিনি বললেন: এ দু’টি দিন কী? তারা বলল: আমরা এতে জাহিলি যুগে খেলা-ধুলা করতাম। রাসূলুল্লাহ সাল্লাল্লাহু ‘আলাইহি ওয়াসাল্লাম বললেন: নিশ্চয় আল্লাহ তা‘আলা তার পরিবর্তে তার চেয়ে উত্তম দু’টি দিন দিয়েছেন: ঈদুল আদহা ও ঈদুল

²¹ মুসনাদে আহমাদ, হাদীস নং ৭৮২৫; সহীহ ইবন খুজাইমাহ, হাদীস নং ২১৫৫; হাকেম, হাদীস নং ১৬৩০। তিনি হাদীসটিকে সহীহ বলেছেন।

ফিতর।”²²

ইবন তাইমিয়াহ রাহিমাহুল্লাহ বলেন, “এ হাদীস প্রমাণ করে কাফেরদের উৎসব পালন করা হারাম। কারণ নবী সাল্লাল্লাহু ‘আলাইহি ওয়াসাল্লাম আনসারদের জাহিলি দুই ঈদের ওপর বহাল রাখেননি। রীতি মোতাবেক তাতে খেলা-ধুলার অনুমতি দেননি। তিনি বলেছেন: নিশ্চয় আল্লাহ তোমাদেরকে পরিবর্তন করে দিয়েছেন। এর দাবি পূর্বের আমল ত্যাগ করা। কারণ বদল করার পর উভয় বস্তুকে জমা করা যায় না। বদল শব্দের অর্থ একটি ত্যাগ করে অপরটি গ্রহণ করা।”²³

অতএব কোনো মুসলিমের জন্য বৈধ নয় ইয়াহুদী, খ্রিস্টান ও মুশরিকদের উৎসব পালন করা, যেমন নববর্ষ ও অন্যান্য উৎসবসমূহ।

রহমানের বান্দারা মুশরিকদের উৎসবে যোগ দেয় না

সূরা আল-ফুরকানে আল্লাহ তা‘আলা বিশেষ বান্দাদের গুণাবলি উল্লেখ করেছেন, যাদেরকে তিনি রহমানের বান্দা বলে সম্বোধন করেছেন। তাদের একটি বিশেষ গুণ, তারা কখনো কাফেরদের উৎসবে যোগ দেয় না। আল্লাহ তা‘আলা বলেন,

﴿وَالَّذِينَ لَا يَشْهَدُونَ الزُّورَ وَإِذَا مَرُّوا بِاللَّغْوِ مَرُّوا كِرَامًا ۚ﴾ [الفرقان: ৭২]

²² সুনানে আবু দাউদ, হাদীস নং ১১৩৪; মুসনাদে আহমদ, হাদীস নং ১৩২১০; হাকেম, হাদীস নং ১১২৪। তিনি বলেন: এ হাদীসটি সহীহ মুসলিমের শর্ত মোতাবেক, তবে বুখারী ও মুসলিম বর্ণনা করেননি। ইবন হাজার রাহিমাহুল্লাহ বলেন, এ হাদীসটি আবু দাউদ ও নাসায়ী রাহিমাহুল্লাহ সহীহ সনদে বর্ণনা করেছেন। বুলুগুল মারাম (৯৩), ফাতহুল বারী (৩/১১৩)।

²³ ফায়দুল কাদীর (৪/৫১১)।

“আর যারা উৎসবে উপস্থিত হয় না এবং যখন তারা অনর্থক কথা-কর্মের পাশ দিয়ে চলে তখন সসম্মানে চলে যায়।”²⁴

তাবেয়ী মুহাম্মদ ইবন সিরিন রাহিমাহুল্লাহ বলেন, ﴿الزَّوْرُ﴾ অর্থ খ্রিস্টানদের ঈদ²⁵, মুজাহিদ, রাবি ইবন আনাস ও দাহহাক রাহিমাহুল্লাহ প্রমুখ বলেন, ﴿الزَّوْرُ﴾ অর্থ মুশরিকদের ঈদ। ইকরিমা রাহিমাহুল্লাহ বলেন, ﴿الزَّوْرُ﴾ অর্থ “জাহেলি যুগে প্রচলিত তাদের একটি খেলনা”। আমর ইবন মুররাহ রাহিমাহুল্লাহ বলেন, ﴿الزَّوْرُ﴾ অর্থ “রহমানের বান্দারা মুশরিকদের শিরকি কাজের দিকে ধাবিত হয় না এবং তাদের সাথে মিশে না”। শায়খুল ইসলাম ইবন তাইমিয়াহ রাহিমাহুল্লাহ এসব বাণী নকল করে বলেন, তাবেয়ীদের এ অর্থ এবং যারা বলেন, ﴿الزَّوْرُ﴾ অর্থ শিরক বা জাহেলি যুগের মূর্তি, বা অল্লীল মেলা ও যাত্রা, বা গানবাদ্য ইত্যাদি অর্থে কোনো বৈপরীত্য নেই, কারণ পূর্বসূরীরা এভাবে তাফসির করতেন। তারা শ্রোতার অবস্থা ও প্রয়োজনের খাতিরে এক বস্তুকে বিভিন্নভাবে প্রকাশ করতেন। আর যারা বলেন, لَا يَشْهَدُونَ الزَّوْرَ অর্থ “তারা মিথ্যা সাক্ষ্য দেয় না”, তাদের ব্যাখ্যা সঠিক নয়, কারণ আল্লাহ তা‘আলা বলেছেন: لَا يَشْهَدُونَ بِالزَّوْرِ تِلْكَ يَوْمَ لَا يَشْهَدُونَ بِالزَّوْرِ لَا يَشْهَدُونَ بِالزَّوْرِ তিনি لَا يَشْهَدُونَ بِالزَّوْرِ لَا يَشْهَدُونَ بِالزَّوْرِ لَا يَشْهَدُونَ بِالزَّوْرِ ব বলেননি। অর্থাৎ ب উপসর্গ যোগে বলেননি। আরবরা কোথাও উপস্থিত হলে বলে: شهدت كذا আমি সেখানে উপস্থিত হয়েছি, অর্থাৎ شهد ক্রিয়ার সাথে ب উপসর্গ যোগ করেন না। উমার রাহিমাহুল্লাহ ‘আনহু বলেন,

²⁴ সূরা আল-ফুরকান, আয়াত: ৭২।

²⁵ খ্রিস্টানদের ধারণা মতে ঈসা ‘আলাইহিস সালাম যে দিন বায়তুল মাকদিসে প্রবেশ করেছেন, সে দিন তারা ঈদ উৎযাপন করত। সে ঈদের কথা আল্লাহ এখানে বলেছেন।

«أَنَّ الْغَنِيمَةَ لِمَنْ شَهِدَ الْوُقْعَةَ»

“যুদ্ধে যে উপস্থিত হবে তার জন্যই গণিমত।”²⁶ এভাবে তারা উপস্থিতির জন্য شهد ক্রিয়া ব্যবহার করেন ব উপসর্গ ব্যতীত। আর যখন কেউ বলে: شهدت بكذا তার অর্থ আমি তার সংবাদ দিয়েছি। অতএব আরবদের ব্যবহার থেকেও প্রমাণ হয় ﴿لَا يَشْهَدُونَ الزُّورَ﴾ অর্থ “তারা কাফেরদের উৎসবে উপস্থিত হয় না, যদি ﴿الزُّورَ﴾ অর্থ “তারা মিথ্যা সাক্ষ্য দেয় না” হত, তাহলে شهد ক্রিয়ার পর ব উপসর্গ যোগ হত, যেমন আরবদের রীতি। অতএব এখানে আল্লাহ কাফেরদের ঈদ সম্পর্কে সংবাদ দিয়েছেন এবং বলেছেন রহমানের বান্দারা সেখানে হাজির হয় না। যখন তাদের ঈদ ও উৎসবসমূহ দেখা ও সেখানে উপস্থিত হওয়া সমীচীন নয়, তখন তাদের সাথে অংশ গ্রহণ করা ও একাত্মতা পোষণ করা কত বড় জঘন্য অপরাধ সহজে অনুমেয়।”²⁷

ইবন কাসীর রাহিমাহুল্লাহ বলেন, لَا يَشْهَدُونَ الزُّورَ অর্থ “তারা কাফেরদের উৎসবে উপস্থিত হয় না” স্পষ্টভাবে বুঝে আসে। এ জন্য হয়তো আল্লাহ পরবর্তীতে বলেছেন: وَإِذَا مَرُّوا بِاللَّغْوِ مَرُّوا كِرَامًا “এবং যখন তারা অনর্থক কথা-কর্মের পাশ দিয়ে চলে তখন সসম্মানে চলে যায়”²⁸ অর্থাৎ তারা সেখানে উপস্থিত হয় না, যদি কখনো ঘটনাক্রমে তার পাশ দিয়ে যেতে হয়, তারা চলে যায়, কিন্তু তার কোনো বিষয় দ্বারা নিজেদেরকে কলুষিত করে

²⁶ সুনানে সায়িদ ইবনে মানসুর (২৭৯১)

²⁷ ইকতিদাউস সিরাতুল মুস্তাকিম (১/৪২৬)।

²⁸ সূরা আল-ফুরকান, আয়াত: ৭২।

না। এ জন্য আল্লাহ বলেছেন: مَرُّوا كِرَامًا সম্মানের সাথে চলে যায়। একবার ইবন মাসউদ রাহিয়াল্লাহু ‘আনহু গান-বাদ্যের পাশ দিয়ে সেগুলোকে উপেক্ষা করে অতিক্রম করেন, নবী সাল্লাল্লাহু ‘আলাইহি ওয়াসাল্লাম বলেন, “ইবন মাসেউদ সকাল ও সন্ধ্যা করেছে সম্মানের সাথে।” অতঃপর তাবেয়ী ইবরাহীম ইবনে মায়সারাহ রাহিমাল্লাহু তিলাওয়াত করেন: وَإِذَا مَرُّوا بِاللَّغْوِ مَرُّوا كِرَامًا (আর যখন তারা অনর্থক কথা-কর্মের পাশ দিয়ে চলে তখন সসম্মানে চলে যায়)।”²⁹

কাফেরদের সাথে ঘনিষ্ঠতা নিষাকী

কাফেরদের সাথে সম্পর্ক রাখা, তাদের কাজ ও কর্মে সমর্থন বা সহায়তা দেয়া, সেখানে উপস্থিত হওয়া, তাদের থেকে লাভের আশায় হোক কিংবা ভয়ে হোক নেফাকের আলামত। মদিনার যেসব মুনাফিকরা মুসলিমদের বিপর্যয় আশঙ্কা করে বাহ্যিক ও আভ্যন্তরীণ বন্ধুত্ব নিয়ে ইয়াহুদী ও মক্কার কাফেরদের সাথে সম্পর্ক কায়েম করেছিল, আল্লাহ তাদের সম্পর্কে বলেন, ﴿فَتَرَى الَّذِينَ فِي قُلُوبِهِمْ مَّرَضٌ يُسْرِعُونَ فِيهِمْ يَقُولُونَ نَخْشَى أَنْ تُصِيبَنَا دَائِرَةٌ فَعَسَى اللَّهُ أَنْ يَأْتِيَ بِالْفَتْحِ أَوْ أَمْرٍ مِنْ عِنْدِهِ فَيُضْبِحُوا عَلَى مَا أَسْرُوا فِي أَنْفُسِهِمْ تَدِيمِينَ ۝٥٢﴾ [المائدة: ৫২]

“সুতরাং তুমি দেখতে পাবে, যাদের অন্তরে ব্যাধি রয়েছে, তারা কাফিরদের মধ্যে (বন্ধুত্বের জন্য) ছুটছে। তারা বলে: ‘আমরা আশঙ্কা করছি যে, কোনো বিপদ আমাদেরকে আক্রান্ত করবে’। অতঃপর হতে পারে আল্লাহ দান করবেন বিজয় কিংবা তার পক্ষ থেকে এমন কিছু, যার ফলে তারা তাদের

²⁹ ইবন কাসীর (৬/১৩১)।

অন্তরে যা লুকিয়ে রেখেছে, তাতে লজ্জিত হবে।”³⁰

ইবন কাসীর রাহিমাহুল্লাহ বলেন, مَرَضُ অর্থ সন্দেহ, দ্বিধা ও নিফাক।
 اِثْمٌ অর্থ বাহ্যিক ও আভ্যন্তরীণ মহব্বত ও বন্ধুত্বের প্রস্তাব নিয়ে
 দ্রুত ছুটে যায়।³¹ সন্দেহ নেই তাদের উৎসব পালন করা মানে তাদের সাথে
 বন্ধুত্বের বিনিময় করা, যা নেফাকের নিদর্শন, কোনো মুসলিমের পক্ষে তা
 কখনো সম্ভব নয়।

শুভ নববর্ষ বলা

আমরা চিন্তা করেছি কিংবা ভেবে দেখেছি যে, নববর্ষের শুরুতে যখন বলি,
 যাকেই বলি: “শুভ নববর্ষ”, কিংবা “হ্যাঁপি নিউ ইয়ার”? কার অনুসরণ করছি,
 কাকে বলছি ও কি বলছি? নিশ্চয় আমরা চিন্তা করিনি, চিন্তা করলে কখনো
 আমাদের বিবেক সায় দিত না কুফরী কথার পক্ষে, কিংবা তাদের শুভেচ্ছা
 জানানোর প্রতি, যারা ঈসা আলাইহিস সালামকে বলেছে স্বয়ং আল্লাহ, কখনো
 বলেছে আল্লাহর পুত্র, কখনো বলেছে তিনজনের তৃতীয় সত্তা। আল্লাহ
 তা‘আলা বলেন,

﴿وَقَالَتِ الْيَهُودُ عُزَيْرٌ ابْنُ اللَّهِ وَقَالَتِ النَّصَارَى الْمَسِيحُ ابْنُ اللَّهِ ذَلِكَ قَوْلُهُمْ بِأَفْوَاهِهِمْ
 يُضِلُّهُونَ قَوْلَ الَّذِينَ كَفَرُوا مِنْ قَبْلُ قَتَلْتَهُمُ اللَّهُ أَنَّى يُؤْفَكُونَ﴾ [التوبة: ٣٠]

“আর ইয়াহুদীরা বলে, ‘উযাইর আল্লাহর পুত্র এবং নাসারারা বলে, মাসীহ
 আল্লাহর পুত্র। এটা তাদের মুখের কথা, তারা সেসব লোকের কথার অনুরূপ
 বলছে যারা ইতঃপূর্বে কুফরী করেছে। আল্লাহ তাদেরকে ধ্বংস করুন,

³⁰ সূরা আল-মায়দাহ, আয়াত: ৫২।

³¹ তাফসীরে ইবন কাসীর (৩/১৩২)।

কোথায় ফেরানো হচ্ছে এদেরকে?”³²

অন্যত্র তিনি বলেন,

﴿لَقَدْ كَفَرَ الَّذِينَ قَالُوا إِنَّ اللَّهَ ثَالِثُ ثُلَّةٍ وَمَا مِنْ إِلَهٍ إِلَّا إِلَهُ وَاحِدٌ وَإِنْ لَمْ يَنْتَهُوا عَمَّا يَقُولُونَ لَيَمَسَّنَّ الَّذِينَ كَفَرُوا مِنْهُمْ عَذَابٌ أَلِيمٌ﴾ [المائدة: ٧٣]

“অবশ্যই তারা কুফরী করেছে, যারা বলে, ‘নিশ্চয় আল্লাহ তিন জনের তৃতীয়জন’। যদিও এক ইলাহ ছাড়া কোনো (সত্য) ইলাহ নেই। আর যদি তারা যা বলছে, তা থেকে বিরত না হয়, তবে অবশ্যই তাদের মধ্য থেকে কাফিরদেরকে যন্ত্রণাদায়ক আযাব স্পর্শ করবে।”³³

অন্যত্র তিনি বলেন,

﴿لَقَدْ كَفَرَ الَّذِينَ قَالُوا إِنَّ اللَّهَ هُوَ الْمَسِيحُ ابْنُ مَرْيَمَ﴾ [المائدة: ٧٢]

“অবশ্যই তারা কুফরী করেছে, যারা বলেছে, ‘নিশ্চয় আল্লাহ হলেন মারইয়াম পুত্র মাসীহ।’³⁴ অথচ ঈসা ‘আলাইহিস সালাম কখনো এ কথা বলেননি।

তার কথা আল্লাহ নকল করেছেন এভাবে:

﴿وَقَالَ الْمَسِيحُ يَبْنَىٰ إِسْرَءِيلَ أَعْبُدُوا اللَّهَ رَبِّي وَرَبَّكُمْ إِنَّهُ مَن يُشْرِكْ بِاللَّهِ فَقَدْ حَرَّمَ اللَّهُ عَلَيْهِ الْجَنَّةَ وَمَأْوَاهُ النَّارُ وَمَا لِلظَّالِمِينَ مِنْ أَنْصَارٍ﴾ [المائدة: ٧٢]

“আর মাসীহ বলেছে, ‘হে বনী ইসরাঈল, তোমরা আমার রব ও তোমাদের রব আল্লাহর ইবাদত কর’। নিশ্চয় যে আল্লাহর সাথে শরীক করে, তার ওপর অবশ্যই আল্লাহ জাহ্নাত হারাম করে দিয়েছেন এবং তার ঠিকানা আগুন।

³² সূরা আত-তাওবা, আয়াত: ৩০।

³³ সূরা আল-মায়দাহ, আয়াত: ৭৩।

³⁴ সূরা আল-মায়দাহ, আয়াত: ৭২।

আর যালিমদের কোনো সাহায্যকারী নেই।”³⁵

তাদের কুফরী কথার কারণে আসামন, যমীন ও পাহাড়সমূহে কম্পন সৃষ্টি হয়, তারা ভীত হয়। আল্লাহ তা‘আলা বলেন,

﴿تَكَادُ السَّمَوَاتُ يَتَفَطَّرْنَ مِنْهُ وَتَنْشَقُّ الْأَرْضُ وَتَخِرُّ الْجِبَالُ هَدًا ۝ أَنْ دَعَوْا لِلرَّحْمَنِ وَلَدًا ۝ وَمَا يَنْبَغِي لِلرَّحْمَنِ أَنْ يَتَّخِذَ وَلَدًا ۝﴾ [مريم: ٩٠، ٩٢]

“এতে আসমানসমূহ ফেটে পড়ার, যমীন বিদীর্ণ হওয়ার এবং পাহাড়সমূহ চূর্ণ-বিচূর্ণ হয়ে পড়ে যাওয়ার উপক্রম হবে। কারণ তারা পরম করুণাময়ের সন্তান আছে বলে দাবি করে। অথচ সন্তান গ্রহণ করা পরম করুণাময়ের জন্য শোভনীয় নয়।”³⁶

যারা আল্লাহর সাথে শরীক করেছে ও তার গোস্বার পাত্রে পরিণত হয়েছে, তাদের জন্য আল্লাহ জাহান্নাম প্রস্তুত রেখেছেন, আমরা কিভাবে তাদেরকে শুভেচ্ছা জানাই, কীভাবে তাদের অনুসরণ করি এবং বলি নববর্ষের শুভেচ্ছা!

ইবনুল কাইয়্যিম রাহিমাহুল্লাহ বলেন, “তাদেরকে তাদের কুফরী উৎসব উপলক্ষে শুভেচ্ছা জানানো সবার নিকট হারাম, যেমন বলা: “তোমার উৎসব সফল হোক”, “শুভ বড় দিন” অথবা এ জাতীয় অন্যান্য শব্দ, যা বর্তমান আমরা শুনতে পাই। এভাবে শুভেচ্ছা জানানোর ফলে যদিও সে কাফের হয় না, কিন্তু তার এ কর্ম হারাম কোনো সন্দেহ নেই; কারণ প্রকারান্তরে এভাবে সে ত্রুশকে সিজদার প্রতি উদ্বুদ্ধ করছে! এ জাতীয় শুভেচ্ছা মদ্যপ, হত্যাকারী ও ব্যভিচারীকে শুভেচ্ছার জানানোর চেয়ে মারাত্মক। অথচ যে কবিরা গুনাহের

³⁵ সূরা আল-মায়দাহ, আয়াত: ৭২।

³⁶ সূরা মারইয়াম, আয়াত: ৯১-৯৩।

জন্য শুভেচ্ছা জানাল, সে নিজেকে আল্লাহর শাস্তি ও গোস্বার জন্য প্রস্তুত করল।”³⁷

প্রিয় পাঠক! আপনার জন্য বৈধ নয় ইয়াহুদী, খ্রিস্টান ও মুশরিকদের শুভেচ্ছা জানানো, তাদেরকে কার্ড উপহার দেয়া, বা তাদের উৎসবে কল্যাণ কামনা করা।

তারা ফিলিস্তিনের বুকো আপনার ভাইকে হত্যা করছে, ইয়াহুদীদের মদদ দিচ্ছে এবং দেশে দেশে মুসলিমদের বিরুদ্ধে নানা ষড়যন্ত্রে লিপ্ত রয়েছে। আফসোস, ধোঁকায় লিপ্ত কতক মুসলিম তবুও তাদের শুভেচ্ছা জানায়! এরূপ কখনো ঠিক নয়, যেমন ঠিক নয় তাদের উপহার গ্রহণ করা, বরং তাদের মুখের উপর তা ফেরত দেওয়াই শ্রেয়।

তাদের উৎসব ও কুফরীতে ব্যবহৃত বস্তুসমূহ বিক্রি করা, তৈরি করা ও বাজারজাত করা নিষেধ। তাদের ইবাদত ও ধর্মীয় উৎসব পালনের জন্য কমিউনিটি সেন্টার, হল রোম, হোটেল ও মাঠ ভাড়া দেওয়া বৈধ নয়।

শাইখুল ইসলাম ইবন তাইমিয়াহ রাহিমাহুল্লাহ বলেন, “এমন কোনো বস্তু বিক্রি করা বৈধ নয়, যার দ্বারা তারা ধর্মীয় উৎসব পালনে উপকৃত হয়।” অর্থাৎ তাদের নিকট এমন বস্তু বিক্রি করা যাবে না, যার দ্বারা কুফরি, গোমরাহি ও বাতিল ধর্মের উৎসব পালনে সক্ষম হয়। এসব পণ্য থেকে উপার্জিত মুনাফা হারাম। আর যে শরীর হারাম বস্তু দ্বারা সৃষ্ট তার জন্য জাহান্নাম শ্রেয়।

³⁷ আহকামু আহলিয় যিম্মাহ।

নববর্ষ ও আমাদের সতর্কতা

আমরা বছরের অন্যান্য দিনের ন্যায় নববর্ষের দিনকে গণ্য করব। এতে কোনো ধরনের অনুষ্ঠান করব না ও তাতে অংশ নেব না। আমাদের সন্তানদের প্রতি গভীর দৃষ্টি রাখব, যেন তারা বিজাতীয় উৎসবে অংশ গ্রহণ না করে। ইবন উমার রাদিয়াল্লাহু ‘আনহুমা থেকে বর্ণিত, রাসূলুল্লাহ সাল্লাল্লাহু ‘আলাইহি ওয়াসাল্লাম বলেছেন:

«كُلُّكُمْ رَاعٍ وَكُلُّكُمْ مَسْئُولٌ عَنْ رَعِيَّتِهِ، وَالرَّجُلُ رَاعٍ عَلَى أَهْلِ بَيْتِهِ، وَالْمَرْأَةُ رَاعِيَةٌ عَلَى بَيْتِ زَوْجِهَا وَوَلَدِهِ، فَكُلُّكُمْ رَاعٍ وَكُلُّكُمْ مَسْئُولٌ عَنْ رَعِيَّتِهِ».

“তোমরা সবাই জিম্মাদার এবং তোমাদের সবাইকে তার জিম্মাদারি সম্পর্কে জিজ্ঞাসা করা হবে। আমার জিম্মাদার, অনুরূপ ব্যক্তি তার পরিবারে জিম্মাদার। নারী তার স্বামীর ঘর ও সন্তানের জিম্মাদার। অতএব তোমরা সবাই জিম্মাদার এবং সবাইকে তার জিম্মাদারি সম্পর্কে জিজ্ঞাসা করা হবে।”³⁸

অতএব যার অধীনে যারা রয়েছে তাদের দেখাশুনা করা, দীন ও দুনিয়ার কল্যাণের পথ বাতলানো এবং তাদের সঠিক পথে পরিচালিত করা তার দায়িত্ব। যে নিজ দায়িত্ব আঞ্জাম দিবে, তার জন্য রয়েছে বড় প্রতিদান, আর যে নিজ দায়িত্বে অবহেলা করবে, কিয়ামতের দিন তাকে তার দায়িত্ব সম্পর্কে জিজ্ঞাসা করা হবে।

নববর্ষ কিংবা এ জাতীয় উৎসবে আমরা মুসলিম অমুসলিম কারো সাথে উপহার আদান-প্রদান করব না, বিশেষ করে ঈসা ‘আলাইহিস সালামের জন্মদিন ও ইংরেজি নববর্ষে। আমরা এতে ছুটি কাটাব না, না স্কুল-কলেজ

³⁸ সহীহ বুখারী, হাদীস নং ৪৮২৬; সহীহ মুসলিম, হাদীস নং ৩৪১৪।

ও শিক্ষা প্রতিষ্ঠান বন্ধ ঘোষণা করব। এ দিনের সংস্কৃতি হিসেবে কারো যোগাযোগ করব না।

প্রিয় পাঠক! সন্তান কিংবা পরিবারের কোনো সদস্যের আবদার রক্ষার্থে আল্লাহর নির্দেশ উপেক্ষা করে তাদের উৎসব উদযাপন করা যাবে না। ইমাম যাহাবি রাহিমাল্লাহ বলেন, “যদি কেউ বলে: আমরা এগুলো ছোট বাচ্চা ও নারীদের জন্য করি, তাকে বলা হবে: সবচেয়ে হতভাগা সে ব্যক্তি যে আল্লাহর গোস্বার বস্তু দ্বারা পরিবার ও সন্তানকে সম্ভুষ্ট করে। অতঃপর তিনি বলেন, আব্দুল্লাহ ইবন আমর রাহিমাল্লাহ ‘আনহুমা থেকে বর্ণিত, তিনি বলেন,

«مَنْ تَنَاقَى أَرْضَ الْأَعَاجِمِ فَصَنَعَ نَيْرُوزَهُمْ وَمَهْرَجَانَهُمْ حَشِرَ مَعَهُمْ»

“যে অনারব দেশ বিচরণ করে, অতঃপর তাদের নওরোজ ও মেহেরজান উৎযান করে, তাদের সাথে তাকে উঠানো হবে।”³⁹ তার এ কথার দাবি এসব কর্ম কবীরা গুনাহ এবং এ জাতীয় অল্প অপরাধ অধিক অপরাধের দিকে ধাবিত করে। তাই মুসলিমের কর্তব্য এ জাতীয় কর্মের পথ একেবারে বন্ধ করা এবং পরিবার ও সন্তানের অন্তরে তার প্রতি ঘৃণার সৃষ্টি করা। বিদ‘আত থেকে বিরত থাকা ইবাদত। কেউ বলবেন না: এর দ্বারা বাচ্চাদের আনন্দ দেই! আপনি কি বাচ্চাদের বিনোদনের জন্য আল্লাহর গোস্বা ও শয়তানের সম্ভুষ্টির বস্তু ব্যতীত কিছু পেলেন না! এগুলো কুফরির আলামত ও সীমালঙ্ঘন বৈ কিছু নয়?! আপনি খারাপ অভিভাবক, বস্তুত আপনি গড়ে উঠেছেন এভাবে।”⁴⁰

³⁹ ইবন উমার রাহিমাল্লাহ ‘আনহুমা বাণী নকল করেছেন বায়হাকী রাহিমাল্লাহ। ইবন তাইমিয়াহ রাহিমাল্লাহ তার সনদকে সহীহ বলেছেন।

⁴⁰ দেখুন: হাফেয যাহাবী রাহিমাল্লাহ কর্তৃক রিসালাহ: تشبه الخسيس بأهل الحميس

মুসলিম ভাই! আসুন কাফেরদের অনুসরণ ত্যাগ করে আমরা পূর্ণরূপে ইসলামে প্রবেশ করি। আল্লাহ তা‘আলা নির্দেশ দিচ্ছেন:

﴿يَا أَيُّهَا الَّذِينَ ءَامَنُوا اذْخُلُوا فِي السِّلْمِ كَآفَّةً وَلَا تَتَّبِعُوا خُطُوَاتِ الشَّيْطَانِ إِنَّهُ لَكُمْ عَدُوٌّ مُّبِينٌ﴾ [البقرة: ১৮০]

“হে মুমিনগণ, তোমরা ইসলামে পূর্ণরূপে প্রবেশ কর এবং শয়তানের পদাঙ্ক অনুসরণ করো না। নিশ্চয় সে তোমাদের জন্য স্পষ্ট শত্রু।”⁴¹

অভিধানে ইসলাম শব্দের অর্থ দু’টি:

(ক) আত্মসমর্পণ করা ও আনুগত্য স্বীকার করা।

(খ) আল্লাহর জন্য ইবাদত একনিষ্ঠ করা।

প্রথম অর্থের সমর্থনে আল্লাহ তা‘আলার বাণী:

﴿أَفَغَيْرَ دِينِ اللَّهِ يَبِغُونَ وَلَهُ أَسْلَمَ مَنْ فِي السَّمَوَاتِ وَالْأَرْضِ طَوْعًا وَكَرْهًا وَإِلَيْهِ يُرْجَعُونَ﴾ [آل عمران: ৮৩]

“তারা কি আল্লাহর দীনের পরিবর্তে অন্য কিছু তালাশ করছে? অথচ আসমানসমূহ ও যমীনে যা আছে তা তারই আনুগত্য করে ইচ্ছায় কিংবা অনিচ্ছায় এবং তাদেরকে তারই নিকট প্রত্যাবর্তন করা হবে।”⁴²

আরো বলা হচ্ছে:

﴿فَلَمَّا أَسْلَمَا وَتَلَّهُ لِلْجَبِينِ﴾ [الصافات: ১০৩]

“অতঃপর তারা উভয়ে যখন আত্মসমর্পণ করল এবং সে তাকে কাত করে

⁴¹ সূরা আল-বাকারা, আয়াত: ২০৮।

⁴² সূরা আলে ইমরান, আয়াত: ৮৩।

শুইয়ে দিল।”⁴³

এ দুই আয়াতে ইসলাম অর্থ আত্মসমর্পণ ও আনুগত্য করা।

দ্বিতীয় অর্থ সমর্থনে আল্লাহ তা‘আলার বাণী:

﴿وَمَنْ يُسَلِّمْ وَجْهَهُ إِلَى اللَّهِ وَهُوَ مُحْسِنٌ فَقَدِ اسْتَمْسَكَ بِالْعُرْوَةِ الْوُثْقَىٰ وَإِلَى اللَّهِ عَاقِبَةُ الْأُمُورِ﴾ [لقمان: ২২]

“আর যে ব্যক্তি একনিষ্ঠ ও বিশ্বদ্বিষ্টে আল্লাহর কাছে নিজেকে সমর্পণ করে, সে তো শক্ত রশি আঁকড়ে ধরে। আর সকল বিষয়ের পরিণাম আল্লাহরই কাছে।”⁴⁴

আরো বলা হচ্ছে:

﴿وَمَنْ يَرْغَبْ عَنْ مِلَّةِ إِبْرَاهِيمَ إِلَّا مِنْ سَفَاهٍ نَفْسُهُ وَلَقَدْ اصْطَفَيْنَاهُ فِي الدُّنْيَا وَإِنَّهُ فِي الْآخِرَةِ لَمِنَ الصَّالِحِينَ ۝ إِذْ قَالَ لَهُ رَبُّهُ أَسْلِمْ قَالَ أَسْلَمْتُ لِرَبِّ الْعَالَمِينَ ۝﴾ [البقرة: ১৩০, ১৩১]

“আর যে নিজেকে নির্বোধ বানিয়েছে, সে ছাড়া কে ইবরাহীমের আদর্শ থেকে বিমুখ হতে পারে? আর অবশ্যই আমরা তাকে দুনিয়াতে বেছে নিয়েছি এবং নিশ্চয় সে আখেরাতে নেককারদের অন্তর্ভুক্ত থাকবে। যখন তার রব তাকে বললেন: ‘তুমি আত্মসমর্পণ কর’। সে বলল, ‘আমি সকল সৃষ্টির রবের কাছে নিজেকে সমর্পণ করলাম’।”⁴⁵

এ দুই আয়াতে ইসলামের অর্থ শিরক মুক্ত হয়ে আল্লাহর জন্য সকল প্রকার

⁴³ সূরা সাফফাত, আয়াত: ১০৩।

⁴⁴ সূরা লুকমান, আয়াত: ২২।

⁴⁵ সূরা আল-বাকারা, আয়াত: ১৩০-১৩১।

ইবাদত উৎসর্গ করা। তাই মুসলিম হতে হলে আমাদের দু'টি কাজ করতে হবে: এক. আল্লাহর নিকট আত্মসমর্পণ করা। দুই. সকল প্রকার ইবাদত একনিষ্ঠভাবে তাকে উৎসর্গ করা। মাখলুকের নিকট প্রেরিত আল্লাহর সকল রেসালাতের শিক্ষা এটাই ছিল। এ ইসলাম আল্লাহর একমাত্র দীন। আল্লাহ বলেন,

﴿إِنَّ الدِّينَ عِنْدَ اللَّهِ الْإِسْلَامُ﴾ [ال عمران: ১৯]

“নিশ্চয় আল্লাহর নিকট দীন হচ্ছে ইসলাম।”⁴⁶

নূহ ‘আলাইহিস সালাম তার কওমকে বলছেন:

﴿فَإِنْ تَوَلَّيْتُمْ فَمَا سَأَلْتُكُمْ مِنْ أَجْرٍ إِنْ أَجِرِيَ إِلَّا عَلَى اللَّهِ وَأُمِرْتُ أَنْ أَكُونَ مِنَ الْمُسْلِمِينَ﴾ [يونس : ৭২]

“অতঃপর তোমরা যদি বিমুখ হও, তবে আমি তোমাদের কাছে কোনো প্রতিদান চাই না। আমার প্রতিদান তো কেবল আল্লাহর দায়িত্বে। আর আমি আদিষ্ট হয়েছি মুসলিমদের অন্তর্ভুক্ত হওয়ার।”⁴⁷

ইবরাহীম ‘আলাইহিস সালাম সম্পর্কে বলা হচ্ছে:

﴿مَا كَانَ إِبْرَاهِيمُ يَهُودِيًّا وَلَا نَصْرَانِيًّا وَلَكِنْ كَانَ حَنِيفًا مُسْلِمًا وَمَا كَانَ مِنَ الْمُشْرِكِينَ﴾ [ال عمران: ৬৭]

“ইবরাহীম ইয়াহুদী ছিলেন না, নাসারাও ছিলেন না, বরং তিনি ছিলেন একনিষ্ঠ মুসলিম। আর তিনি মুশরিকদের অন্তর্ভুক্ত ছিলেন না।”⁴⁸

কাবা নির্মাণের সময় ইবরাহীম ও ইসমাঈল নিজেদের ও সন্তানের জন্য

⁴⁶ সূরা আলে ইমরান, আয়াত: ১৯।

⁴⁷ সূরা ইউনুস, আয়াত: ৭২।

⁴⁸ সূরা আলে ইমরান, আয়াত: ৬৭।

মুসলিম হওয়ার দো‘আ করেছেন। বলা হচ্ছে:

﴿رَبَّنَا وَاجْعَلْنَا مُسْلِمِينَ لَكَ وَمِنْ ذُرِّيَّتِنَا أُمَّةٌ مُّسْلِمَةً لَّكَ وَأَرِنَا مَنَاسِكَنَا وَتُبْ عَلَيْنَا إِنَّكَ

أَنْتَ التَّوَّابُ الرَّحِيمُ﴾ [البقرة: ১২৮]

“হে আমাদের রব, আমাদেরকে আপনার অনুগত করুন এবং আমাদের বংশধরের মধ্য থেকে আপনার অনুগত জাতি বানান। আর আমাদেরকে আমাদের ইবাদতের বিধি-বিধান দেখিয়ে দিন এবং আমাদেরকে ক্ষমা করুন। নিশ্চয় আপনি ক্ষমাশীল, পরম দয়ালু।”⁴⁹

ইয়াকুব ‘আলাইহিস সালামের মৃত্যুর সময় তার সন্তানেরা তাকে মুসলিম হিসেবে বেঁচে থাকার প্রতিশ্রুতি দিয়েছেন। আল্লাহ বলেন,

﴿أَمْ كُنْتُمْ شُهَدَاءَ إِذْ حَضَرَ يَعْقُوبَ الْمَوْتُ إِذْ قَالَ لِبَنِيهِ مَا تَعْبُدُونَ مِنْ بَعْدِي قَالُوا نَعْبُدُ

إِلَهَكَ وَإِلَهَ آبَائِكَ إِبْرَاهِيمَ وَإِسْمَاعِيلَ وَإِسْحَاقَ إِلَهًا وَاحِدًا وَنَحْنُ لَهُ مُسْلِمُونَ﴾ [البقرة: ১৩৩]

“নাকি তোমরা সাক্ষী ছিলে, যখন ইয়াকুবের নিকট মৃত্যু উপস্থিত হয়েছিল? যখন সে তার সন্তানদেরকে বলল, ‘আমার পর তোমরা কার ইবাদত করবে? তারা বলল, ‘আমরা ইবাদত করব আপনার ইলাহের, আপনার পিতৃপুরুষ ইবরাহিম, ইসমাইল ও ইসহাকের ইলাহের, যিনি এক ইলাহ। আর আমরা তারই অনুগত।”⁵⁰

মূসা ‘আলাইহিস সালাম মুসলিম হওয়ার শর্তে তার কওমকে আল্লাহর ওপর তাওয়াক্কুল করতে বলেছেন। আল্লাহ বলেন,

﴿وَقَالَ مُوسَىٰ يَقَوْمُ إِن كُنْتُمْ ءَامَنْتُمْ بِاللّٰهِ فَعَلَيْهِ تَوَكَّلُوا إِن كُنْتُمْ مُّسْلِمِينَ﴾ [يونس: ৮৫]

⁴⁹ সূরা আল-বাকারা, আয়াত: ১২৮।

⁵⁰ সূরা আল-বাকারা, আয়াত: ১৩৩।

“আর মূসা বলল, ‘হে আমার কওম, তোমরা যদি আল্লাহর প্রতি ঈমান এনে থাক, তবে তারই ওপর তাওয়াক্কুল কর, যদি তোমরা মুসলিম হয়ে থাক।”⁵¹

ইউসুফ ‘আলাইহিস সালাম মুসলিম হিসেবে মৃত্যু বরণের জন্য আল্লাহ নিকট দো‘আ করেছেন। আল্লাহ বলেন,

﴿رَبِّ قَدْ ءَاتَيْتَنِي مِنَ الْمُلْكِ وَعَلَّمْتَنِي مِنْ تَأْوِيلِ الْأَحَادِيثِ فَاطِرَ السَّمَوَاتِ وَالْأَرْضِ أَنْتَ وَلِيَّ فِي الدُّنْيَا وَالْآخِرَةِ تُؤَفِّقُنِي مُسْلِمًا وَالْحَقِّنِي بِالصَّلَاحِينَ﴾ [يوسف: ১০০]

“হে আমার রব, আপনি আমাকে রাজত্ব দান করেছেন এবং স্বপ্নের কিছু ব্যাখ্যা শিখিয়েছেন। হে আসমানসমূহ ও যমীনের স্রষ্টা, দুনিয়া ও আখেরাতে আপনিই আমার অভিভাবক, আমাকে মুসলিম অবস্থায় মৃত্যু দিন এবং নেককারদের সাথে আমাকে যুক্ত করুন।”⁵²

ঈসা ‘আলাইহিস সালামের সাথীগণ নিজেদের ইসলামের ওপর ঈসা আলাইহিস সালামকে সাক্ষী বানিয়েছেন। আল্লাহ বলেন,

﴿فَلَمَّا أَحَسَّ عِيسَى مِنْهُمُ الْكُفْرَ قَالَ مَنْ أَنْصَارِي إِلَى اللَّهِ قَالَ الْخَوَارِثُونَ نَحْنُ أَنْصَارُ اللَّهِ ءَامَنَّا بِاللَّهِ وَأَشْهَدُ بِأَنَّكَ مُسْلِمُونَ﴾ [آل عمران: ৫২]

“অতঃপর যখন ঈসা তাদের পক্ষ হতে কুফরী উপলব্ধি করল, তখন বলল: ‘কে আল্লাহর জন্য আমার সাহায্যকারী হবে?’ হাওয়ারীগণ বলল, ‘আমরা আল্লাহর সাহায্যকারী। আমরা আল্লাহর প্রতি ঈমান এনেছি। আর তুমি সাক্ষী থাক যে, নিশ্চয় আমরা মুসলিম।”⁵³

⁵¹ সূরা ইউনুস, আয়াত: ৮৪।

⁵² সূরা ইউসুফ, আয়াত: ১০১।

⁵³ সূরা আলে ইমরান, আয়াত: ৫২।

আমরা দেখছি সকল নবী ও রাসূলগণ দীন ইসলামের অনুসারী ছিলেন এবং তারা স্বীয় কওমকে তার দিকে আহ্বান করতেন, যার অর্থ আল্লাহর নিকট আত্মসমর্পণ কর এবং সকল ইবাদত একনিষ্ঠভাবে তাকে উৎসর্গ কর। অতঃপর রাসূলুল্লাহ সাল্লাল্লাহু ‘আলাইহি ওয়াসাল্লামের ওপর নাযিলকৃত দীনের নাম হয় ইসলাম এবং তার অনুসারীদের নাম হয় মুসলিম। তাদের এ নামকরণ করেছেন ইবরাহিম আলাইহিস সালাম। আল্লাহ তা‘আলা বলেন,

﴿وَجَاهِدُوا فِي اللَّهِ حَقَّ جِهَادِهِ هُوَ اجْتَبَاكُمْ وَمَا جَعَلَ عَلَيْكُمْ فِي الدِّينِ مِنْ حَرَجٍ مِّلَّةَ أَبِيكُمْ إِبْرَاهِيمَ هُوَ سَمَّاكُمُ الْمُسْلِمِينَ مِنْ قَبْلُ﴾ [الحج : ٧٨]

“আর তোমরা আল্লাহর পথে জিহাদ কর যেভাবে জিহাদ করা উচিত। তিনি তোমাদেরকে মনোনীত করেছেন। দীনের ব্যাপারে তিনি তোমাদের ওপর কোনো কঠোরতা আরোপ করেননি। এটা তোমাদের পিতা ইবরাহিমের দীন। তিনিই তোমাদের নাম রেখেছেন ‘মুসলিম’ পূর্বে।”⁵⁴

আল্লাহ তা‘আলা এ দীন ব্যতীত কোনো দীন গ্রহণ করবেন না। আল্লাহ বলেন,

﴿وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ الْخَاسِرِينَ﴾ [ال عمران: ৮০]

“আর যে ইসলাম ছাড়া অন্য কোনো দীন অন্বেষণ, তবে তার কাছ থেকে তা কখনো গ্রহণ করা হবে না এবং সে আখেরাতে ক্ষতিগ্রস্তদের অন্তর্ভুক্ত হবে।”⁵⁵

আল্লাহ তা‘আলা আমাদের জন্য ইসলামকে পছন্দ করেছেন এবং আমাদের

⁵⁴ সূরা আল-হাজ্জ, আয়াত: ৭৮।

⁵⁵ সূরা আলে ইমরান, আয়াত: ৮৫।

জন্য আমাদের দীনকে পূর্ণ করে দিয়েছেন। আল্লাহ বলেন,
 ﴿الْيَوْمَ أَكْمَلْتُ لَكُمْ دِينَكُمْ وَأَتِمَمْتُ عَلَيْكُمْ نِعْمَتِي وَرَضِيتُ لَكُمُ الْإِسْلَامَ دِينًا﴾
 [المائدة: ৩]

“আজ আমি তোমাদের জন্য তোমাদের দীনকে পূর্ণ করলাম এবং তোমাদের ওপর আমার নিয়ামত সম্পূর্ণ করলাম এবং তোমাদের জন্য দীন হিসেবে পছন্দ করলাম ইসলামকে।”⁵⁶

আল্লাহ যাকে হিদায়েত দেওয়ার ইচ্ছা করেন ইসলামের জন্য তার অন্তর খুলে দেন। আল্লাহ বলেন,

﴿فَمَنْ يُرِدِ اللَّهُ أَنْ يَهْدِيَهُ يَشْرَحْ صَدْرَهُ لِلْإِسْلَامِ﴾ [الانعام: ১২০]

“সুতরাং যাকে আল্লাহ হিদায়াত করতে চান, ইসলামের জন্য তার বুক উন্মুক্ত করে দেন”⁵⁷

আল্লাহ তা‘আলা মুসলিম না হয়ে মত্ববরণ করতে নিষেধ করেছেন। আল্লাহ বলেন,

﴿يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنتُمْ مُسْلِمُونَ﴾ [ال عمران: ১০২]

“হে মুমিনগণ, তোমরা আল্লাহকে ভয় কর, যথাযথ ভয়। আর তোমরা মুসলিম হওয়া ছাড়া মারা যেও না।”⁵⁸

আমি মুসলিম, আমার আত্মসমর্পণ আল্লাহর সমীপে, তার সকল বিধান মেনে নিলাম, এ ছাড়া বিধর্মী সকল বিধান, উৎসব ও ইবাদত প্রত্যাখ্যান করলাম। আমার সকল ইবাদত একমাত্র আল্লাহ তা‘আলার জন্য উৎসর্গ। আল্লাহ বলেন,

⁵⁶ সূরা মায়েদাহ, আয়াত: ০৩।

⁵⁷ সূরা আন‘আম, আয়াত: ১২৫।

⁵⁸ সূরা আলে ইমরান, আয়াত: ১০২।

﴿قُلْ إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ ۝ لَا شَرِيكَ لَهُ ۚ وَبِذَلِكَ أُمِرْتُ وَأَنَا أَوَّلُ الْمُسْلِمِينَ ۝﴾ [الانعام: ١٦٢, ١٦٣]

“বল, নিশ্চয় আমার সালাত, আমার কুরবানী, আমার জীবন ও আমার মৃত্যু আল্লাহর জন্য, যিনি সকল সৃষ্টির রব। তার কোনো শরীক নেই এবং আমাকে এরই নির্দেশ প্রদান করা হয়েছে। আর আমি মুসলিমদের মধ্যে প্রথম।”⁵⁹

মুসলিম ভাই, পৃথিবীতে দু’প্রকার দীন রয়েছে:

(ক) মানবরচিত দীন: মানবরচিত দীন যেমন হিন্দু, বৌদ্ধ ও অগ্নিপূজক ইত্যাদি।

(খ) আসমানী বা ওহী নির্ভর দীন: আসমানী দীন যেমন ইয়াহুদী, খ্রিস্টান ও ইসলাম। মানবজাতির হিদায়েত ও কল্যাণের জন্য আল্লাহ তা‘আলা সকল নবী ও রাসূলকে এ দীনসহ প্রেরণ করেছেন। ইয়াহুদী-খ্রিস্টানদের দীন আজ বিকৃত, রহিত ও মানবরচিত দীনের ন্যায় প্রত্যাখ্যাত। আল্লাহর নিকট তার কোনো মূল্য নেই। আল্লাহ আমাদেরকে সর্বোত্তম দীন, সর্বোত্তম কুরআন এবং সর্বশ্রেষ্ঠ নবী ও রাসূল দান করেছেন।

আসুন আমরা দীন ইসলাম ও নবী সাব্বানাহু ‘আলাইহি ওয়াসাল্লামের আদর্শকে আঁকড়ে ধরি, পরিপূর্ণরূপে ইসলামে প্রবেশ করি এবং কাফের-মুশরিকদের সঙ্গ ত্যাগ করি, তাদের কৃষ্টি-কালচার পরিহার করি।

আল্লাহ আমাদেরকে তার নিকট আত্মসমর্পণকারী ও একনিষ্ঠভাবে সকল ইবাদত উৎসর্গকারী হিসেবে কবুল করুন। আমীন।

সমাপ্ত

⁵⁹ সূরা আল-আনআম, আয়াত: ১৬২-১৬৩।